



Na osnovu člana 22 Statuta Brčko distrikta BiH („Službeni glasnik Brčko distrikta BiH“ broj 3/07), člana 45 Poslovnika Skupštine Brčko distrikta BiH – prečišćeni tekst („Službeni glasnik Brčko distrikta BiH“ broj 11/03), i Prijedloga odluke gradonačelnika broj: 01.1-13-009500/08 od 26. 2. 2008. godine Skupština Brčko distrikta BiH, na 65. redovnoj sjednici održanoj 25. marta 2008. godine donosi

## ODLUKU

### O IZDVAJANJU NOVČANIH SREDSTAVA IZ OPĆIH SREDSTAVA REZERVU BUDŽETA BRČKO DISTRIKTA BiH ZA FISKALNU 2008. GODINU ZA RJEŠAVANJE SOCIJALNOG STATUSA RADNIKA ODP «POSAVINA» BRČKO – U STEČAJU

#### Član 1

Odobrava se izdvajanje novčanih sredstava iz Općih sredstava rezervi Budžeta Brčko distrikta BiH za fiskalnu 2008. godinu sa organizacionog koda 252 - Opća sredstva rezervi u iznosu od 77.194,25 KM za rješavanje socijalnog statusa radnika koji su radili u ODP «Posavina» Brčko - u stečaju.

#### Član 2

Novčana sredstva iz člana 1 ove odluke isplatit će se:

1. radnicima, potraživanja iz radnog odnosa na ime zagarantovane zarade koja nije isplaćena u stečajnom postupku, u ukupnom iznosu od 3.024,56 KM (što čini 11% ukupnog potraživanja), tako što će se pojedinačne isplate vršiti na račune radnika;
2. Fondu za penzijsko i invalidsko osiguranje Republike Srpske, na ime obaveznog doprinosa za PIO, iznos od 64.169,69 KM (i to: za period od 1. 4. 1999. godine do 17. 2. 2001. godine iznos od 34.805,29 KM, kao i za period od 18. 2. 2001. godine do 24. 9. 2004. godine iznos od 29.364,40 KM) na račun broj 562-099-00000-556-87 vrsta prihoda 712125, poziv na broj obveznika 9015000574 registarski broj.

#### Član 3

Sastavni dio ove odluke čini spisak radnika sa utvrđenom visinom potraživanja.

#### Član 4

Za realizaciju ove odluke zadužuje se Odjeljenje za privredni razvoj, sport i kulturu i Direkcija za finansije Brčko distrikta BiH.

#### Član 5

Ova odluka stupa na snagu danom donošenja i objavit će se u „Službenom glasniku Brčko distrikta BiH“.

Broj: 0-02-022-53/08  
Brčko, 25. marta 2008. godine

PREDSJEDNIK  
SKUPŠTINE BRČKO DISTRIKTA BiH  
Prof. dr. Milan Tomić, s.r.